

## **Vedtekter for Rommetveit Båtlag**

Siste endring i Årsmøtet 15.03.2012 (Endring i §2)

### § 1 Føremål

Rommetveit Båtlag skal arbeida for at alle medlemmer og andre med bruksrett skal få ei trygg og funksjonell båthamn. Laget skal arbeida for å skapa eit godt og positivt miljø for friluftsliv og båtsport.

### § 2 Medlemskap

I tillegg til einskildpersonar, kan også bedrifter, institusjonar, lag og organisasjonar få medlemskap i Rommetveit Båtlag. Ingen kan møta med meir enn ein representant med røysterett på årsmøtet, sjølv om dei kan få inntil 2 (to) plassar i laget si båthamn.

Både inn- og utmelding av laget skal skje skriftleg - innmeldinga på fastlagd skjema.

Medlemskap kan overførast til ektefelle/sambuar, barn eller søsken. Eit medlem som ikkje rettar seg etter laget sine lover og reglar, kan missa medlemskapen etter styrevedtak. Eit slikt vedtak kan ankast inn for årsmøtet.

Tildeling av ledige båtplassar skjer ved ansiennitet.

### § 3 Årsmøte

Årsmøtet skal heldast snarast mogeleg etter årsskiftet og seinast innan 31.03.

Skriftleg innkalling skal sendast medlemmene minst tre - 3 - veker før møtedagen og skal annonserast i lokalpressa. Saker som medlemmene vil ha handsama på årsmøtet, må vera styret i hende minst ei veke før møtet.

Årsmøtet vel ordstyrar og referent og skal deretter handsama desse sakene:

- Årsmelding, rekneskap, budsjett,

- Kontingent, avgifter, innskot,

- Dugnadsinnsats

- Verdi av båtplassar,

- Val og innkomne framlegg.

Alle val skal vera skriftleg dersom det er meir enn eitt framlegg på kandidatar til same vervet. Alle medlemmer som har røysterett kan veljast, men dei som alt har eit verv i laget kan be seg fritaken. Alle kandidatar må på førehand sei seg villige til å ta imot valet.

Årsmøtesakene vert avgjort med simpelt fleirtal om ikkje vedtektene seier noko anna.

#### § 4 Omframnt årsmøte

Omframnt årsmøte skal haldast når styret eller 1/3 av medlemmene krev det.

Innkallinga skal skje på same måte som for ordinært årsmøte.

Omframnt årsmøte kan berre handsama saker som ligg til grunn for innkallinga.

Alle vedtak vert gjort etter dei same reglane som for ordinært årsmøte.

## § 5 Medlemsmøte

Medlemsmøte skal haldast når styret finn det ynskjeleg. Innkallinga skjer på den måten styret meiner er mest tenleg.

## § 6 Styret

Rommetveit Båtlag skal ha eit styre på seks - 6 - medlemmer, med tre - 3 – varamedlemmer. Alle vert valde av årsmøtet:

\* Leiar (1 år) Kvart år.

\* Økonomiansvarleg/Nestleiar (2 år) Kvart oddetals-år.

\* Sekretær (2 år) Kvart partals-år.

\* Hamneleiar (2 år) Kvart oddetals-år

\* Tiltaksleiar (2 år) Kvart partals-år.

\* Vedlikehaldsleiar (2 år) Kvart partals-år

Vararmedlemmene har møterett i styret og bør i tillegg ha anna verv i laget:

Desse blir valt kvart år.

Leiaren kallar inn til styremøte minst ei veke før møtet, ein regel som kan fråvikast i hastesaker.

Styret skal stå for den daglege leiinga, og gjera vedtak i saker som ikkje skal avgjerast av Årsmøtet. Alle saker vert avgjort med simpelt fleirtal. Ved likt røystetal er leiar si røyst avgjerande. Styret er vedtaksført når minst tre medlemmer er tilstades. Sekretæren skal føra møtebok for alle styremøte.

Økonomileiaren/Nestleiaren har ansvar for medlemsarkiv, rekneskap, og budsjett, samt vera stedfortreder for leiaren. Han skal også sjå til at vedteke budsjett vert fylgt.

## § 7 Andre komitèar og nemnder

Hamneleiaren er også leiar av laget sin hamnekomité på minst 3 medlemmer.

Hamnekomiten skal ha oppsyn med hamna og leia dugnads- tilsynsarbeidet saman med vedlikehaldsleiar. I tillegg har dei oppgåver i samsvar med eige reglement.

Tiltaksleiar er leiar for laget sine tiltak og arrangement og leier arrangementkomiteen

Husleiar har ansvar for dagleg administrasjon av lagshuset og rapporterer til sekretær.

Redaktør har ansvar for laget sine nettsider i tillegg til lagsaviser og anna informasjon

Årsmøtet skal og velja ei valnemnd. Leiaren skal veljast for 2 år, medlemmene for eitt år.

To revisorar skal veljast av årsmøtet for to år om gongen. Dei står ikkje på val samstundes.

Styret kan etablere andre funksjonar til å stå for spesielle oppgåver som dei finn naudsynt for drift av laget. Disse rapporterer til eit av styremedlemmene.

## § 8 Kontingent, årsavgift, innskott og dugnad

Årsmøtet skal kvart år fastsetja:

..Medlemskontingenten.

..Årsavgifta for båtplassane.

..Den årlege dugnadsinnsatsen.

..Timepris for ikkje utført dugnad.

..Storleiken på innskot og dugnadsinnsats for tildeling av plass i båthamna.

..Verdien av båtplassar som skiftar eigar.

..1.april er fristen for innbetaling av kontingent og årsavgift.

Viss ikkje kontingent og årsavgift er betalt til båtlaget etter to – 2 puringar, vil det blir sendt eit siste brev rekommandert til medlemmet der konsekvensen blir forklart. Konsekvensen er å bli stroke som medlem av Rommetveit båtlag

## § 9 Vedtektsendring

Desse vedtektene kan berre endrast på ordinært eller omframnt årsmøte

Framlegg til endringar må vera oppført på sakslista, og krev 2/3 fleirtal frå dei frammøtte medlemmene for å verta godkjende.

## § 10 Oppløysing

Rommetveit Båtlag kan berre løysast opp dersom eit årsmøte vedtek det med 2/3 fleirtal. Framlegg til oppløysing må stå på sakslista som går ut til medlemene minst tre - 3- veker før årsmøtet. Dersom oppløysing vert vedteke, skal det haldast omframt årsmøte ein månad seinare. For at laget skal verta oppløyst, må vedtaket stadfestast også her med 2/3 fleirtal.

Ved oppløysing vedtek årsmøtet kva båtlaget sine midlar skal nyttast til. Årsmøtet som vedtek oppløysing, vel eit styre på minst tre -3- medlemmer som i samråd med kommunale forvaltningsorgan disponerer midlane.

\*\*\*\*\*